

ZEMTURS

PASAUĻA LATGAĻU LAIKKROKSTS

Nr. 20 (189)
1999. GODA NOVEMBRIS
CENA 10 SANTIMI

KONSULTANTI: religijas lītas – prāvests Aļberts Budže, Raiņa ilā 21, Tiļža, Bolvu rajons, LV-4572, tālrunis – 245-56312; mākslas vaicājumi – Pēters Gleizdāns, Bazneicā ilā 34, Rēzekne, LV-4601, tālrunis 246-23325; poligrafeja, izdevniecība – Jāns Eļksnis, Bazneicā ilā 28, Rēzekne, LKC izdevniecība, LV-4601, tālrunis 246-22298; dzeja – Ontons Slišāns, Upīte 2-13, Šķilbānu pogosts, Bolvu rajons, LV-4587; vēsture – Viktors Trojanovskis, R. Blaumaņa 17/18, dz. 6, Ludza, LV-5701; kulturvēsture – profesors Pēters Zeile, K. Valdemāra 145/1-52, Reiga, LV-1013, tālrunis 27-361423; ekonomika – profesors Jezups Zeļonka, LJAEL, Akadēmijas 1, Reiga, LV-1003; ūrzemu biroja vadeitōjs – Aļberts Spōgis, Breslauer StraÙe 44, 48157, Mūnster, Deutschland.

ARNIS ŠNEPSTS, STUDENTS

AIZMĒRSTAIS J. MACILEVIČA PADŪMS

Īpasazynu ar bkga Jezupa Macileviča grōmotu »Pawujcieszona un wyssaidi sposobi diel zemniku Latviszu«, 1850. godā izdūtu Viļņā, īpatykōs daži vērtēigi padūmi, kŭ, dimžāl, asom aizmērsuši.

Jezups Macilevičs, asūt bazneickungs, beja labi īpazinis latgališus. Sovā dzeivē jis nabeja satīcis nivīnu, kurs Latgolas zemniku byutu mēginōjis pavuiceit, kai reikōtis kaidā breidī, kur nu tam vēl veļteit grōmotu, jis tūtis uzskatēja, ka tys ir bazneickunga pīnōkums, pat tai, ka vīna daļa varbyut arī varēs smītis par jō gora bārnū, bet dūmōja, ka jo jam arī naizadās, tod vysmoz pakolpōs par īganstu kaidam uzraksteit kŭ lobōku. Jū uztrauce arī volūda, ticēja, ka pēc jō cyti raksteis saprūtāmōkā un teirōkā, jō gudreibu cylvāki var īgyut nu grōmotas. Jis meilēja latvišu tautu un kai varādams gribēja tai paleidzēt.

Golvonū uzmaneibu pīvērsu nūdaļai »Gobols 30. Kai Zemnikim waiga darejt' laika wajdu? Kai waiag darejt', jo ar kŭ baras, tīsōjas«. Jezups macilevičs uzskatēja, ka kari un namiri zemnikim nūdora vyslelōkŭ ļaunumu — izpūsta zemī, mōjas un gīmines, pošus aizvad verdzeibā un pōrdūd kai lūpus. Augleigi lauki pōrsavērs par tukšnešim, ļauds bāg mežus, daudz asapūtāmōkā un teirōkā, jō nūmērst bodā. Pēc karim tautu vīnmār pīmeklej slīmeibas, kas aiznas arī dzeiveibas, daudz asapūtāmōkā vītas palik tukšas bez īdzeivōtōjim, dōrzu vītōs aug dodzi, nazōles, cylvāku pamastajūs teirumūs vējs sanas kŭku sākļas un vītōs, kur kōdreiz viļņōja rudzi, miži, kvīši, cyta labeiba, aug prīdes, apses, egles, ūzuli un kryumōji.

Vysi kari zemnikim nas vīn pūstažu, jīm vysūs laikūs byutu jōmēginōj reikōtis gudri un prōteigi. Vysim ļaunīšim, beidzūt skŭlas, jōdīnej, jōaizstōvs sova zeme, navajadzātu žālōt ašņa vai pat dzeiveibas, lai jū pasorgōtu nu īnādņika, kurs kōroj īgyut un padzeit zemņikus. Kas gon jī byus bez zemes? Pavuica, ka kara laikūs vajadzātu stōdeit vairōk kartupeļu un cytu sakņaugu, kurus svešim

karaveirim gryuškōk īzpūsteit voi savōkt, kai rudzus un vosorōjus, leidz ar tū lelkas cereibas pošam byut paādusam. Pat sins byutu jōsmalcynoj — ar izkaptēm jōsagrīž seikōk, lai tū byutu gryuši pōrkraut voi savōkt prūm, arī vītas tys varātu aizjimt mozōk. Byutu jōsagatavoj un jōisōlej gaļa, lai pošim ir kŭ ēst un arī karaveirus, īspēju rubežus, varātu pabarōt.

Jo pi zemņika atnōks karaveiri, sovi voi sveši, navajadzātu uz jīm vērtis ar greizu aci, bet īdūt ādamu, cik nu tū var atsaļaut, bet jo atnōk kaidis īvainōts voi izkrŭplōts, tam byutu jōpaleidz. Un tod zemņiks radzātu, ka, reikōjūtis ar karaveirim kai draugim, ti nadareitu jam nikaidu skōdi voi pūstu. Bet tūmār zemņikam jōir uzmaneigam un bez īpošas vajadzēibas nabyutu ar jīm jōsarunoj.

Styngri jo styngri J. Macilevičs zemņikus lyudz un pīsoka, lai Dīvs jūs sorgoj, ka ti nikod myužā nakļust par spjīm, vīnolga sovim voi svešim, taidejaidi teiši voi nateiši nūdorūt ļaunu. Pīmarā par kaidu vacu veiru stōsta, ka, dzeivōdams kaidu laiku pi jō, labi satīcis, jis pat apsŭlējis meitu par sīvu un vysys bejis labi, bet pēc breiža karaveiri sajām cit šū veiru kai spīgu un sūda ar nōvi pakarūt. Naleidz ni lyugšonōs, ceļš stōvūt, lai nanūnōvej veiru, kurs naudas dēļ pīkritis byut par spīgu. Teik vuiceits, ka nikod un nikaidā veidā — teišā voi nateišā — zemņikam navajadzātu skōdēt karaveirim.

Tai sanōk, ka kara laikūs zemņikam lobōk jōdora sovs dorbs, bet ar karaveirim jōmēginōj apsait pa draugam, tod var palikt pats vasals un vasalu saglobōt sovu īpašumu, naizpūsteitu. J. Macilevičs uzskota, ka vysas problemas lobōk atrisint mīra ceļā, bez naida, ļaunuma un atriebeibas, jo Dīvs vysu redz un ļaundarim atmoksōs pats par jūs nadorbim, myusim sovokōrt nabyutu jōaizmērst Dīva bausleiba »Mili tyvōku kai sevi pošu«. Tikai prōteigi un draudzeigi reikōjūtis, zemņikim kara laikā izadūd saglobōt sevi, sovu zemī un mōjas, gimi-

ni. Zemņikim navajadzātu jauktis kara lītōs, jo tys naskar jō pošu montu, kod kaidis tū apdraud voi dūmoj atjimt.

Turpynōjumā teik apskateits vaicōjums par streidim, namirim un bōršonom. Vacs tāvs vaicōjis dālim, kōdēļ cylvāki baras un streidōs vīns ar ūtru. Jī uzskaita: tōdēļ, lai pastōvātu uz sova un cytam napasūtis. Tāvs pīvad pīmaru, ka jō onkuļs Mōrtenš tīsōjis ar kungu un tagad kleist pa pasauli ar kuli un vāzu. Tāvs uzskota, ka Dīvs myusus radējis navys dēļ tō, lai mes kai plēseigi zvāri naidōtūs vīns ar ūtru, bet lai vīns ūtru miļōtu un gūdōtu, sovā storpā dzeivōtu mīreigi un sadareigi, vīns ūtram byutu par paleigu. Jo kaidis cylvāks tev izdora kŭ ļaunu, reikōjis gudrōk — mēginōj draudzeigi parunōt ar sovu pōri dareitōju un pa lobam parōdeit jam jō nateisneibu. Vīneigi, jo kaidis gribatjimt dzeiveibu voi veseleibu, tod dreiksti glōbt sevi ar vysu spēku. Nikod navajadzātu byut atriebeigam.

Pamōceiba — jo kaidis kŭ nūdarējis pōri, tod zyni, ka slyktums nadora vairōk nikō kai slyktumu, to pagaidi dažas dīnas, lai pōrit lelōs dusmes, korstums, kurā var pīdareit daudz navajadzeiga. Taipat var pavaičōt kaimiņam voi kaidam gudram cylvākam: voi teišam pōridareitōjs te tū izdarejis, ļaunu gribādams, tikai tod meklej streidu. Varbyut tys ir kaidā cyta cylvāka izdūmōts, voi na aiz ļauna prōta izdareits. Vajadzātu reikōtis kai patīšim katōlim, na kai pogōnim, jo, dorūt ļaunumu, mes ni ar kŭ naatsāķiram nu pogōnim.

Jebkuram cylvākam loba slava ir vysdōrgōkō lita, bet tū varom īmontōt tikai gudri un taisneigi reikōjūtis, bet nakritni reikōjūtis uz slavi kreit nagūds un naslave, bet jo taipat reikōjas arī atpakaļ, tod naslava kreit uz pošu. Nikod navajadzātu pīminēt ļaunu un byut atriebeigam, lobōk atmoksōt ar lobu, nakai ar ļaunu, jo ļaunums pats par sevi vēļōk atsamoksōsīs. Navajag arī aizmērst teicini »Nadori cytam tō, kō navālatu sev«, grōmotā raksteits: »Kas tev ir na labi, cytam nador tō«.



ALBERTS
BUDŽE,
PRĀVESTS

DRAUDŽU DZEIVE

20. augustā Daugavpils onkologiskajā slimnīcā īsvēteita storpkonfesionāla kapela, kura izveidōta ar pīlsātas Svātō Pītera katōļu draudzes dekana A. Madelāna un ticeigūs atbolstu. Īsvētes svātbreidī pīsadalejōs dekans A. Madelāns, Borisa un Gleba pareizticeigūs katedrales pōrziņs Georgijs Popovs, evangeliski luteriskōs draudzes mōceitōjs Linards Rozentāls un Saeimas deputate Vanda Kezika. Īspējams, ka tyvōkā laikā te nūtikis storpkonfesionāli divkolpōjumi. Apmaklātōjim kapela piejama jebkurā dinnakts laikā.

Gūdynōjūt divus vēsturiskos nūtykumus — krisfiteibas divtykustūsgadi un Izraelas valsts 50. godadīnu, vysa pasaulā bārnī šugod īlustrja Bībeles stōstus un šī zeimējumi pīsadalejōs storpautyskā konkursā. Latvejā tū organizēja Izraelas vēstmeicība kŭpā ar Kulturas, Izgleiteibas un zynōtnes ministrejom. Atsauceiba beja mīlzeiga, nu vysom Latvejas mākslas skŭlom tyka īsuteiti vairōk nakai 1000 darbi. Žureja goda sōkumā atlasēja lobōkus un uz Izraelu tyka nūsyuteiti 105. Tūmār arī pōrejūs zeimējumu mōksliniciskō vērtēiba ir ļūti augsta, tōdēļ tyka nūlamts ataseit ceļojūšajai izstōdei »Bārnī zeimej Bībeli«, kura apceļōs vysu Latveju, sōcūt nu Reitera noma Reigā.

Storpautyskā konkursa ītvorūs nu kotras valsts lūzejūt tyka nūteikts vīns bārnis, kuram apmoksōs ceļojumu uz Izraelu — uzvarātōjs ī pavadeis vasalu nedēļu, jam byus īspēja tikis ar valsts prezidentu.

Dagdas katōļu dīvnoma stoltō ceļne kolnā radzama tōli. Pōrsteidz ar majestatisku īkōrtōjumu, krystā pīkolhō Jezus Kristus īspaideigŭ atveidu īejā un arī apkōrtņi. Styuri pa labi nu tejas pi žūga ir Pīta ar uzrokstu, veļteitu Jezus un Marijas sirsneigam kolpam, prīsteram Aleksandram Tyrulim: »X. Aleks. Tyrylis Pr. Dagd. majacial 34 um. 1905 r. 1 Wrzes. Żyl i umer albedae mīlošņikiem Jesusa i Maryk«. Tōļōk aiz bazneicā kolnā laukumā pasaceļ raups pīmineklis fīm, kuri nu Dagdas izvasti mŭku ceļš uz Sibireju.

A. MEŽMAĻA foto

CYLVĀKI BEZ SIRDS

Kur pi myusim tagad vodūšōs īntelīgeņces dorbus radzama mīlesteiba, ūtra cylvāka un jō īskotu cīneišona? Namiteigi partēju un personu streidī ir vysu pōrvārtuši ačgōrmi. Ir lykuši aizmērst pīrmū un golvonū dzeives nūteikumu, kas lik īvārōt ūtru cylvāku kai patstōveigu byutni ar sovim mērkim un sovim īpašim ceptīnim, bet kas aizlīdz izlītōt ūtru kai leidzēkli. Kai reize ūtraidī — mes uz vysim veramīs kai uz leidzēkla sovim personeigim mērkim...

...politikas dēļ, īzarōda, var nagrīzt nikaidas vēreibas uz sovu sirdsapzīņu. Nikas vairs nauzatrauc, naprotēstēj,

kaut uz kotra styura rupi teik sameitas cylvāka tīseibas, personeiba. Radzūt, asom palykuši par cylvākim bez sirds, bez jyutom. Un monomi ir pōrsamejuse vysa myusu dzeive. Aizmērsta mīlesteiba, aizmērsta taisneiba, aizmērsts vysys, kas vad pi eistōs dzeives, kas vad pi patīsōs dzeives nūzeimes saprasšonas...

Vysys dzeivais, vysys gaišais un nūzeimeigais īzncynōts, apspļauts un dubļūs sameits. Vīns pret ūtru, vysī pret vysim un pōri vysim traucas trōkā visulā naidis, naidredzeišona, atriebeiba.

Vēļ sōpeigōk redzēt, ka tys nūteik tagad, eisti tymā laikā, kod mums, latgališim, sovā sadzeivē vajadzātu parōdeit cālōkas gora pazeimes, kod vajadzēiba paleidzēt un nest gaismu myus timsajai tautai it sevišķi osi sajyutama. Myusu pīrmī tautas

mūdnyōtōji, myusu gaišōkōs personas radēja nūjāgumu par tautas kŭpeibu. Šōs idejas deve īlgi vōrdzynōtajim Latgolas zemņikim cereibas uz lobōku nōkŭtni, radēja sajyusmu.

Bet myusim ir pa spēkam augsts pīnōkums: nūdūt šōs cālōs idejas ļaunajai paaudzei, radēt īmūs vērtēibas sajyutu un īdvest jūs sirdīs mīlesteibu un pīnōkuma apzīņu pret sovu nabadzeigŭ tautu. Voi nu myusu dorbim ļaunōne var smēltis sajyusmu tautas mīlesteibai?..

Bet voi jūs asit redzējuši puču dōrzu, kuru īzbrodōjuse gŭvs? Naveiklī grūzeidamōs ar steivu kōju bez kaidas vajadzēibas izmeida vysas pučēites. Pamozam, nasasteigdama plyuc ar taidu pat patyku vyskrōšņōkūs zideņus un nōtrōjus ar dodzim. Pēc tam apsaļuluse turpat uz puču dŭbes

gausi gramoj, un jōs mozajūs smedziņūs naveiklī veidōjas dūma, ka vysys uz pasaulā radeits jai — gŭvei par patīkšonu. Voi myusu politiskōs partējas daža žiņā nav tei raib gŭvs, kas bez kaidā aprēkina ar sovu naveiklŭ kōju myn vysam vērsā? Voi tei darbeiba, kas skandynta ar vōrdim »tautai par lobu« nav bī ži vīn ryupeišonōs vīneigi par sevi, kas nasarkinoj ni ar cylvākim, ni ar leidzēklim.

Cylvāki bez sirds, apstājōj sovā darbeibā, nanūkaunīt tū, caur kŭ dzeive ir skaista un napadorit jōs tukšas un nanūzeimeigas!

Voi šīs vysys nav sacepts par myusu dīnom? Lai arī pajimts nu Dr. P. Stroda redīgeitō žurnama ļaunōtnei »Zīdūnis« 1927. goda septembra numera

INTA BAIBA

DORBA PYRMŌ SEZONA

Par tū stōsta Preiļu rajona turisma un informacejas centra asistente Edīte Bīrite. Pēc apkŭpōjim datim centru apmeklējis daudz vysu, vyslelōkais pīplyudums bejis jūni un augustā. Uz Leigŭ dīnu un Jōnim daudz cylvāki braukuši atsapyust laukūs, pi yudinim un nŭvodu apmeklēja na tikai kŭrzemņiki, reidzīnīki, bet bejuši arī ļauds nu Norvegejas, Vōcejas, Zīdresjas, Holandes un cytom zemem.

Ļūti lels vysu un svātejņiku pīplyudums, prŭtams, bejis uz 15. augustu. Centrā datu nav par vysim rajona apmaklātōjim, bet fikstas dažaidas tautēibas, arī valstis un nŭvodi, kuru pōrstōvi grīzŭsīs pēc informacejas, vēļējŭsīs uzzynt par Preilim un Aļlyunu, par naktsmītnēm myusu nŭvodā un aktīvas atpyutas īspējom.

Turisma un informacejas centrs (TIC) strōdōj pi tō, lai vysī visi īsagrīzŭsīs jīmā, lai par ūzjīmšonu centram zīņōtu vysu mōju saiminīki. Skaistas dabas bogōteibas nŭvodā ir azari un šamā sezonā lelōkais pīprasējums un arī nŭslŭōteiba bejuši uz atpyutas bāzem pi jīm. Ībraucejīm patīcis atpyutu savinōt ar sportu un sevišķi yudīņa turismu. Labi apmaklātas arī vysu mōjas.

Gribātūs, lai lauku turisms gyust drŭsu, civilizātŭ un eiropejysku pamatu nŭvodā ar vysom tam rakstureigom privileģejom.



Latgolas rokstu gaismā



Īlyugums

